



Broj: 16-12-16-4427- 9 /23
I. Sarajevo, 18.05.2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-4427/23 od 12.06.2023. godine, u postupku javne nabavke ručnih i lancerskih granata za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke ručnih i lancerskih granata za potrebe Državne agencije za istrage i zaštitu

Član 1.

U postupku javne nabavke ručnih i lancerskih granata za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-4427/23 od 12.06.2023. godine, ugovor se dodjeljuje ponuđaču „JACIMOVIC“ d.o.o. Banja Luka, za ponuđenu cijenu 48.371,00 KM bez uračunatog PDV-a.

Član 2.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-4427-1/23 od 05.05.2023. godine pokrenut je postupak javne nabavke ručnih i lancerskih granata za potrebe Agencije, procijenjene vrijednosti 49.000,00 KM bez uračunatog PDV-a, za koji je obavještenje o javnoj nabavci broj 1161-7-1-96-3-

21/23 od 10.05.2023. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 24.05.2023. godine do 13,00 sati, te da se ponude dostavljaju u zatvorenoj kovrti, Komisija je dana 24.05.2023. godine u 14,00 sati izvršila javno otvaranje ponuda, te utvrdila da su blagovremeno dostavljene dvije ponude i to:

R/B	Naziv ponuđača	Ponuđena cijena bez uračunatog PDV-a
1.	„JAĆIMOVIĆ“ d.o.o. Banja Luka	48.371,00 KM
2.	„KM TRADE“ d.o.o. Visoko	49.000,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti dan dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača i njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „JAĆIMOVIĆ“ d.o.o. Banja Luka i „KM TRADE“ d.o.o. Visoko ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je od Jedinice za specijalnu podršku aktom broj 16-12-16-4427/23 od 25.05.2023. godine tražila da na osnovu uvida u ponude ponuđača „JAĆIMOVIĆ“ d.o.o. Banja Luka i „KM TRADE“ d.o.o. Visoko dostave stručno mišljenje u pogledu ocjene tehničkih uslova postavljenih u Konkurentskom zahtjevu. Jedinica za specijalnu podršku je aktom broj 16-12-16-4427/23 od 31.05.2023. godine dostavila stručno mišljenje, u kojem je navedeno da ponuda ponuđača „JAĆIMOVIĆ“ d.o.o. Banja Luka zadovoljava tražene tehničke karakteristike propisane Konkurentskim zahtjevom, dok ponuda ponuđača „KM TRADE“ d.o.o. Visoko u dijelu „ručna granata sa CS-om“ izaziva sumnju u ispunjenost tehničkih uslova. Naime, u opisanom dijelu tehničkih specifikacija navedeno je da ista ispunjava tražene tehničke uslove, dok fotografija i navedena oznaka granate „IM53GCS“ upućuje na prečnik (u ponudi navedeno kao diameter) od 53 mm, a da je Konkurentskim zahtjevom tražen prečnik 60 mm. Takođe, u aktu Jedinice za specijalnu podršku je navedeno da sa smanjenjem prečnika ručne granate postoji mogućnost i smanjenja ukupne mase granate, odnosno smanjenje pirotehničke mase i CS punjenja, te da može doći do isporuke slabije granate koja nije tražena Konkurentskim zahtjevom.

Komisija je prilikom ocjene ponude ponuđača „KM TRADE“ d.o.o. Visoko utvrdila da u Obrascu za cijenu ponude ukupna cijena bez uračunatog PDV-a iznosi 49.000,00 KM, međutim kada se saberu navedene kolone dobije se iznos od 57.000,00 KM bez uračunatog PDV-a (12.000,00 KM + 8.000,00 KM + 3.100,00 KM + 13.500,00 KM + 20.400,00 KM). Takođe, Komisija je utvrdila da je na obrascu Ponuda br. 22/05/2023-1 ponuđača „KM TRADE“ d.o.o. Visoko na strani 37. navedena ukupna cijena bez uračunatog PDV-a u iznosu od 49.000,00 KM.

Komisija je aktom broj 16-12-16-4427-7/23 od 02.06.2023. godine, u skladu sa članom 17. st. (1) i (3) Uputstva za primjenu modela tenderske dokumentacije i ponuda („Službeni glasnik BiH“, br. 90/14 i 20/15), od ponuđača „KM TRADE“ d.o.o. Visoko zatražila prihvatanje ispravke greške računске prirode u Obrascu za cijenu ponude, kao i pojašnjenje opisnog dijela tehničke specifikacije ručne granate sa CS-om. Ponuđač „KM TRADE“ d.o.o. Visoko je aktom broj 621/23 od 05.06.2023. godine naveo da je došlo do greške računске prirode, da su jedinične cijene po stavki, kao i ukupna cijena ponude ispravne, te da ukupna cijena ponude umjesto 49.000,00 KM bez uračunatog PDV-a, treba biti 57.000,00 KM bez uračunatog PDV-a. Kada su u pitanju tehničke karakteristike granate IM53GCS, ponuđač „KM TRADE“ d.o.o. Visoko je naveo da proizvođač može napraviti granatu po tehničkoj specifikaciji iz Konkurentskog zahtjeva sa traženom dimenzijom i masom punjenja od 120 grama, međutim po zadnjoj informaciji od proizvođača, obzirom na količinu koja se nabavlja i punjenosti kapaciteta proizvođača koja se nabavlja nije u mogućnosti u tako kratkom roku proizvesti granatu prema traženim specifikacijama zbog već popunjenih kapaciteta proizvođača. Dalje je navedeno da proizvođač preporučuje granatu 53 mm prečnika kao i punjenje od 107 grama, sa vremenom emisije dima od 25 do 30 sekundi što je 200% bolje od traženog Konkurentskim zahtjevom, gdje je tražena emisija trajanja 10+/- 5 s, samim tim krajnji korisnik neće osjetiti niti primjetiti manje performanse zbog manje mm.

Imajući u vidu naprijed navedeno, Komisija je utvrdila da je ponuda ponuđača „JAĆIMOVIĆ“ d.o.o. Banja Luka prihvatljiva, dok je ponuda ponuđača „KM TRADE“ d.o.o. Visoko neprihvatljiva, iz razloga što cijena ponude ponuđača „KM TRADE“ d.o.o. Visoko prelazi planirana odnosno osigurana novčana sredstava za predmetnu nabavku. Uvidom u akt ponuđača „KM TRADE“ d.o.o. Visoko broj 621/23 od 05.06.2023. godine, utvrđeno je da je sam ponuđač prihvatio grešku računске prirode, te potvrdio da ukupna cijena ponude umjesto 49.000,00 KM bez uračunatog PDV-a, treba biti 57.000,00 KM bez uračunatog PDV-a. Komisija je utvrdila da ponuđač „KM TRADE“ d.o.o. Visoko nije ispunio uslov iz tačke 3.1.4. Konkurentskog zahtjeva, odnosno nije ponudio tražene granate sa CS-om propisanog prečnika 60 mm, već je isti dostavio granate sa CS-om prečnika 53 mm. Ponuđač „KM TRADE“ d.o.o. Visoko je u aktu broj 621/23 od 05.06.2023. godine naveo da proizvođač može napraviti granatu po specifikaciji iz Konkurentskog zahtjeva sa traženom dimenzijom i masom punjenja od 120 grama, s tim da preporučuje granatu 53 mm prečnika, koja je po mišljenju proizvođača bolja od tražene granate koja je propisana Konkurentskim zahtjevom. Uzimajući u obzir navedene činjenice, Komisija ponudu ponuđača „KM TRADE“ d.o.o. Visoko nije uzela u dalje razmatranje.

Obzirom da je Konkurentskim zahtjevom za postupak javne nabavke ručnih i lancerskih granata za potrebe Agencije predviđeno provođenje e-aukcije u skladu sa Pravilnikom, da je Komisija od dvije zaprimljene ponude, prihvatila jednu kao prihvatljivu, Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke okončan u skladu sa članom 69. Zakona, primjenjujući kriterij najniže cijene iz tačke 8.1. Konkurentskog zahtjeva, te sačinila rang listu ocijenjene ponude, kako slijedi:

R/B	Naziv ponuđača	Ponuđena cijena bez uračunatog PDV-a
1.	„JAĆIMOVIĆ“ d.o.o. Banja Luka	48.371,00 KM

Nakon provedenog postupka ocjenjivanja, te stručnog mišljenja Jedinice za specijalnu podršku, Komisija je utvrdila da je ponuda ponuđača „JAĆIMOVIĆ“ d.o.o. Banja Luka ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke ručnih i lancerskih granata dodijeli ponuđaču „JACIMOVIĆ“ d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

